



Pou Piblikasyon Imedya: 30/11/2022

GOUVÈNÈ KATHY HOCHUL

GOUVÈNÈ HOCHUL ANONSE PWOJÈ TRANSFÒMATÈ POU TUPPER LAKE NAN KAD SIBVANSYON INISYATIV REVITALIZASYON ANBA LAVIL 10 MILYON DOLA A

Dis pwojè revitalizasyon anba lavil ap ogmante lojman, amelyore espas piblik ak peyizaj lari yo epi sipòte ti biznis yo

Fè pati yon objektif estratejik pou anrichi kominote a avèk pwojè katalizè kle yo

Jodi a, Gouvènè Kathy Hochul te anonse 10 pwojè transfòmatè nan Vilaj Tupper Lake nan kad prim sibvansyon Inisyativ Revitalizasyon Anba Lavil (Downtown Revitalization Initiative, DRI) 10 milyon dola a. Pwojè sa yo pral amelyore espas piblik anba lavil yo ak peyizaj lari yo epi elaji opòtinite komèsyal, rezidansyèl, amizman ak Iwazi nan Distri Uptown bò dlo Vilaj la.

"Avèk santye bò dlo revitalize, opsyon lojman elaji, epi menm yon novo brasri, Tupper Lake ap tounen yon destinasyon obligatwa kat sezon nan New York", **Gouvènè Hochul te deklare**. "Pandan nou deja wè benefis ki genyen pou kominote atravè North Country, mwen kontan pou m kontinye envestisman nou an nan ti biznis yo ak nan ekonomi nò eta a".

Tupper Lake se yon kominote Adirondack k ap renèt ki vize fè kominote a tounen yon destinasyon ke yo rekonèt sou plan nasyonal, ki dinamik, kat sezon nan Adirondack atravè revitalizasyon kontinyèl Distri Uptown ki konpak, pou itilizasyon miks, ki gen wout pyeton epi ki bò dlo. Vilaj la, ki sitiye sou rivaj ki pi lès nan Raquette Pond, te kreye apati yon sant eksplwatasyon forestyè ak pye bwa nan fen ane 1800 yo. Kounye a, Raquette Pond ak forè ki antoure yo atire touris ak amatè Iwazi anplennè ki kontribye nan ekonomi lokal la ak biznis anba lavil la. Prim DRI yo pral amelyore ekipman touris yo, amelyore lari yo ak entèkoneksyon pami divès destinasyon epi kreye nouvo opsyon lojman, komèsyal ak amizman enpòtan.

Envestisman yo fè pati efò Gouvènè a k ap kontinye pou revitalize ekonomi rejyon nò Eta a epi kreye plis opòtinite pou rejyon North Country. Se Depatman Eta ki dirije DRI ki bay asistans teknik pandan chak kominote k ap patisipe yo ap devlope yon Plan Envestisman Estratejik ki idantifye pwojè espesifik ak yon vizyon inik pou revitalizasyon zòn anba lavil la.

Pwojè espesifik yo dwe finanse atravè DRI sipòte plizyè objektif ak estrateji ki genyen nan Plan Envestisman Estratejik kominote a, tankou—opsyon lojman elaji; amelyorasyon kapasite pou mache ak koneksyon peyizaj lari; epi ogmante opòtinite atistik, kiltirèl, amizman ak Iwazi nan sipòte ti biznis yo. Envestisman 9.7 milyon dola Eta a nan pwojè sa yo atravè DRI pral ogmante anviwon 55 milyon dola nan envestisman adisyonèl nan sektè piblik ak prive pandan pwosesis revitalizasyon an ap kontinye epi pran anplè.

Pwojè yo gen ladan:

Opsyon Lojman Elaji

Reyamenaje Bilding Istorik la pou li tounen Antrepo Oval - Prim DRI: 2,500,000 dola

Reyabilite konpayi aktyèl Fletcher & Sons, yon pati nan sit faktori Plat Oval an Bwa. Reyamenajman istorik sètifye a pral genyen apeprè 70 apatman avèk ekipman pou lokatè sou plas ki gen ladan pakin, sant pou egzèsis fizik, espas kominotè, jaden deyò ak griy epi li gen ladan yon espas komèsyal/vant detay nan premye etaj.

Reyamenaje Sit Plat Oval an Bwa - Prim DRI: 1,950,000 dola

Reyamenaje faktori OWD (Pla Oval an Bwa) a pou enkli lojman mendèv, espas kotravay ak yon nouvo etablisman pwodiksyon pou Raquette River Brewery.

Amelyore Lojman pou Plizyè Fanmi nan Tupper Lake - Prim DRI: 725,000 dola

Renove twa pwopriyete rezidansyèl ki gen plizyè inite ak gen anpil vizibilite nan limit DRI a pou kreye bon jan kalite lojman pou mendèv. Pwojè a gen pou objektif kenbe manm nan mendèv la ki gen talan nan ogmante rezèv lokal pou lokasyon abòdab, pandan y ap amelyore estetik ak sekirite piblik nan zòn Uptown lan.

Amelyore Kapasite pou Moun Mache ak Koneksyon Peyizaj Lari

Amelyore Peyizaj Uptown - Prim DRI: 2,495,000 dola

Amelyore peyizaj lari yo pou relye koridò Uptown lan, ki konekte Park Street, envestisman DRI yo pwopoze nan sektè prive a, ak anviwònan panoramik bò dlo Adirondack nan distri a. Amelyorasyon nan eksperyans pyeton ak monte bisiklèt nan koridò a gen ladan oryantasyon wout, ekleraj, pye bwa nan lari ak ban yo pou kreye yon estetik inifye nan lari Uptown.

Restore 70 Park Street - Prim DRI: 110,000 dola

Renove bilding de etaj ki nan 70 Park Street pou vant an detay nan premye etaj la ak lokasyon pou dezyèm etaj la. Dimansyon travay la gen ladan renovasyon enteryè menm jan ak fasad eksteryè, revètman ak teras.

Etabli yon Fon pou Dinamize Uptown - Prim DRI 600,000 dola

Kreye yon fon pou sibvansyon korespondans, ki gen entansyon amelyore enteryè/ekstteryè nan Distri Uptown lan, ansanm ak asistans nan biznis.

Amelyore ak Konekte Kilti ak Ti Biznis

Ogmante Opòtinite Atistik, Kiltirèl, Amizman ak Lwazi nan Sipòte Ti Biznis yo Amelyore ak Amelyore Prezans Tupper Arts nan Uptown - Prim DRI: 693,000 dola
Renove Teyat Eta a pa Tupper Arts, Inc., avèk amelyorasyon izòlman/HVAC/do kay nan teyat la ak bilding Tupper Arts ki sou kote a. Dimansyon travay la gen ladan tou amelyorasyon fasad ak chapito nan ekstteryè bilding teyat la ak amelyorasyon sèn/ekran nan enteryè a, ki pral lakòz yon espas espektakt an dedan kay la pou tout sezon an.

Amelyore Bilding ki Egziste pou Ekspansyon Restoran - Prim DRI: 280,000 dola
Amelyorasyon Enteryè ak Ekstteryè nan 10 Cliff Avenue ak pwopriyete adjasan nan 38 Lake Street, pou ekspansyon restoran. Amelyorasyon ekstteryè yo enkli amelyorasyon fasad tou de estrikti yo ansanm ak yon pasaj ki kouvri ak amelyorasyon nan peyizaj. Amelyorasyon enteryè yo gen ladan ajoute yon "kizin an dirèk," avèk amelyorasyon ki asosye nan sistèm elektrik ak plonbri bilding.

Kreye yon Destinasyon Gòlf ki Piti - Prim DRI: 199,000 dola

Kreye yon biznis gòlf ak krèm glase ki sezonye ak piti pou opere ant me ak oktòb

Kreye yon Brasri ak yon Ba - Prim DRI: 148,000 dola

Konstwi yon nouvo brasri 850 pye kare ak ba avèk jaden byè deyò.

Sekretè Deta New York, Robert J. Rodriguez, te deklare, "Sibvansyon 10 milyon dola sa a pral bati sou elan nan Tupper Lake pou kreye yon vrè kominate kat sezon. Distri Uptown Tupper Lake la pral tounen yon motè ekonomik lokal ak rejjonal, ki bay lojman, travay, ak ekipman ki nesesè anpil k ap mete kominate a sou yon wout pou siksè pou ane k ap vini yo".

Prezidan, Direktè Egzekitif Jeneral ak Komisè Empire State Development lan, Hope Knight, te deklare, "Tri-Lakes yo ap fè eksperyans gwo envestisman atravè DRI ak Je Mondyal Inivèsité ki gen pou fèt yo, k ap solidifye Rejjyon North Country kòm yon destinasyon klas mondal pandan tout ane a. Pwojè estratejik sa yo ki te planifie pou Tupper Lake amelyore koneksyon ant Uptown ak bò dlo a epi yo pral ogmante opòtinite atravè sipò ti biznis yo, envesti nan amenajman ak elaji lojman mendèv ki nesesè yo".

RuthAnne Visnauskas, ki se Komisè Renouuvèlman Kay ak Kominote (Homes and Community Renewal, HCR) nan Eta New York, te deklare, "Dis pwojè yo akòde nan Tupper Lake pral solidifye repitasyon vilaj la kòm yon destinasyon touris rejjonal pandan y ap sipòte kreyasyon twa nouvo pwopriyete rezidansyèl pou benefisyé moun ki rele vilaj la lakay yo. Atravè Inisyativ Revitalizasyon Anba Lavil la, New York ap ede kominote tankou Tupper Lake atenn tout potansyèl yo avèk envestisman estratejik ki pwodui bon jan kalite lojman, amelyore peyizaj lari yo, atire nouvo biznis, ak modènize

enstalasyon piblik yo. Gras a inisyativ reyisi sa a, New York ap jenere distri anba lavil ki pi dinamik epi bati yon ekonomi ki pi solid pou lavni".

Senatè Eta a, Dan Stec, te deklare, "Tupper Lake se yon kominote dinamik ki gen yon gwo potansyèl ekonomik. Fon 10 milyon dola Inisyativ Revitalizasyon Anba Lavil la pral jwe yon wòl kle nan agrandi lojman abòdab epi ede devlope ekonomi lokal la. Avèk finansman sa a, Tupper Lake ka kontinye devlope posibilité touris ak Iwazi li yo epi vin tounen yon sant ekonomik kle pou ane k ap vini yo".

Manm Asanble Billy Jones te deklare, "Revitalizasyon kontinyèl distri Uptown Vilaj Tupper Lake la se yon bon nouvèl pou North Country epi li mete aksan sou nesesite pou sipòte lojman, ti biznis, boza ak amizman, ak Iwazi. Sa a pral kontinye amelyore lavi moun ki abite la pandan l ap mennen tou nan touris pou ede ekonomi lokal la. Mwen vle felisite tout moun ki enplike ak efò kontinyèl yo epi remèsye responsab eta ak lokal yo ak manm kominote yo dèské yo reyalize vrè potansyèl Tupper Lake".

Majistra Paul Maroun te deklare, "Dis pwojè yo anonse jodi a pral estimile efò nou pou ranfòse Tupper Lake kòm yon kominote Adirondack kat sezón pou aktivite pandan tout ane a. Gen kontantman alantou pwojè sa yo paske yo pral dinamize ekonomi lokal la epi sipòte misyon nou pou fè anba lavil nou an tounen yon destinasyon dinamik pou viv ak vizite. Mèsi Gouvènè Hochul pou sipò kontinyèl ou".

Inisyativ Revitalizasyon Anba Lavil

DRI Eta New York, yon poto mitan pwogram devlopman ekonomik, transfòme katye anba lavil yo pou tounen sant aktivite dinamik ki ofri yon kalite lavi elve ak atire reyamenajman, biznis, kreyasyon travay ak divèsité ekonomik ak lojman. DRI, ke Depatman Eta a avèk asistans Empire State Development, Biwo Renouvelman Kay ak Kominote ak NYSERDA dirije, reprezante yon estrateji san parèy ak inovatè "planifye-answit-aji" ki mete ansanm planifikasyon estratejik avèk egzekisyon imedyat ak mennen nan anba lavil konpak, adapte pou mache ki se engredyan kle nan ede Eta New York rebati ekonomi li apre enpak pandemi COVID-19 la, epitou nan reyalize objektif odasye Eta a nan zafè klima gras a pwomosyon itilizasyon transpò piblik ak rediksyon depandans sou machin prive. Gen plis enfòmasyon sou DRI a ki disponib isit la.

###